



Broj: T09 0 KT 0195829 24  
Sarajevo, 11.02.2025. godine

**HITNO – PRITVOR!**

**KANTONALNI SUD SARAJEVO**  
**Sudiji za prethodno saslušanje**  
**SARAJEVO**

Na osnovu člana 45. stav 2. tačka i) i člana 241. stav 1. ZKP-a F BiH, p o d i ž e m

## **O P T U Ź N I C U**

### **Protiv:**

**MIRZA DURAN**, rođen 1997. godine, nastanjen na adresi ....., po narodnosti Bošnjak, državljanin BiH, po zanimanju fizijatar, sa završenom SSS, Međunarodna srednja škola, nezaposlen, neoženjen, pismen, po izjavi lošeg imovnog stanja, JMBG: ....., neosuđivan, **nalazi se u pritvoru po Rješenju Kantonalnog suda u Sarajevu od 23.08.2024. godine, a koji pritvor je produžen po Rješenju o produženju pritvora Kantonalnog suda u Sarajevu od 19.11.2024. godine i može trajati do 19.02.2025. godine ili do druge odluke Suda**

### **Što je:**

Tačno neutvrđenog dana u periodu od dana 18.08.2024. godine do popodnevni sati dana 19.08.2024. godine, u Sarajevu, u ulici Husrefa Redžića ....., općina Centar, u stanu vlasništvo N.S., svjesno i htijući, u namjeri da N.S. usmrti, što je i htio, ušao u prostorije stana gdje je zatekao oštećenu, te istu fizički napao nanoseći joj udarce stisnutim šakama po svim dijelovima tijela, a potom upotrebom kuhinjskog noža bez vidljive oznake marke, srebrene boje, sa natpisom na sječivu: "STAINLESS STEEL", dužine drške 12 cm, dužine sječiva 20 cm, maksimalne širine sječiva 2,4 cm i kuhinjskog noža marke "Zepter Edlestahl", srebrene boje, dužine drške 11 cm, dužine sječiva 13,5 cm, maksimalne širine sječiva 3 cm, iako svjestan da navedenim noževima može usmrtiti N.S. prouzrokujući joj intenzivne bolove i patnje, što je i htio, pa N.S., dok se nalazila u nižem položaju tijela (čučećem ili ležećem), zadao više povreda u vidu podljeva kože čela, vanjskog ugla desnog oka, kapaka lijevog oka i predjela lijevo od oka, krvni podljev poglavine lijevo čeonu te desno čeonu sljepočno i tjemeno, krvi podljev desnog i lijevog sljepočnog mišića, krvni podljev mekih moždanih ovojnica, nagnječina krvnih podljeva kože nosa, krvni podljev potkožnih mekih tkiva nosa, krvni podljev i nagnječine kože desnog uha i krvni podljev desne usne, krvni podljev kože desne potkoljenice, krvni podljev kože palca desnog stopala, krvni podljev lijevog lakta, krvni podljev ispod lijeve lakatne jame, krvni podljev kože nadlane strane lijeve šake i oguljotinu kože trećeg prsta lijeve šake, zatim krvni podljev kože nadlane strane desne šake, te gornjih dijelova prstiju koje povrede pojedinačno i ukupno predstavljaju **lake tjelesne** povrede, koje su nanesene djelovanjem tupo-tvrde sile, udarcima dijelova tijela, poput udaraca

stisnutom šakom, hvatanje/stezanje rukom tih dijelova tijela u cilju zabacivanja glave unazad, zatim upotrebom gore opisanih noževa zadao više udaraca od kojih je N.S. zadobila više povreda, i to: 1 ubodnu ranu na lijevoj bočnoj strani vrata i 2 ubodne rane desne nadlaktice, 2 rezne rane ispod brade koje se nastavljaju prema obrazu, zatim 7 reznih rana minimalno na prelazu brade i vrata, 8 reznih rana najmanje na prednjoj i desnoj bočnoj strani sredine vrata, 1 reznu ranu na lijevoj bočnoj strani vrata, 1 reznu ranu u predjelu lijeve strane grudnog koša, 1 reznu ranu desne nadlaktice, 1 reznu ranu nadlane strane lijeve šake, 1 reznu ranu nadlane strane palca lijeve šake, 1 reznu ranu nadlane strane prvog članka drugog prsta lijeve šake, 3 rezne rane dlanene strane palca lijeve šake, 5 reznih rana minimalno dlana lijeve šake, 7 reznih rana vanjske bočne strane desnog ručnog zgloba i korijena palca, 10 reznih rana minimalno u predjelu nadlane strane desne šake, rezne rane u predjelu dlanene strane prstiju desne šake, 2 rezne rane u predjelu petog prsta, 1 reznu ranu u predjelu četvrtog i trećeg prsta, koje povrede pojedinačno predstavljaju laku tjelesnu povredu, a svojim ukupnim djelovanjem predstavljaju **običnu tešku tjelesnu povredu**, zatim povrede u vidu 1 ubodne rane na desnoj bočnoj strani vrata, sa prelomima poprečnih nastavaka drugog i trećeg vratnog pršljena sa desne strane, uslijed kojih povreda je N.S. zadobila **obične teške tjelesne povrede**, zatim najmanje 10 reznih rana u gornjoj trećini vrata spojenih u jednu veliku, sa prerezanim jugularnim venama obostrano, prerezanom vanjskom i unutrašnjom granom desne karotidne arterije i vene, prerezanim jezikom, zatim rezne rane u predjelu drugog, trećeg i četvrtog vratnog pršljena i krvnim podljevimima mekih tkiva i okolnih mišića usne šupljine, te gornjeg dijela ždrijela i grkljana, koje rane čine jednu cjelinu i predstavljaju **teške tjelesne povrede opasne po život**, koje su bile takvog inteziteta i karakteristika da su dovele do iskrvarenja, uslijed kojeg iskrvarenja je nastupila smrt N.S.

**Dakle**, drugog usmrtio na okrutan način,

**Čime bi** počinio krivično djelo Ubistvo iz člana 166. stav 2. tačka a) KZ F BiH.

### **PRIJEDLOG ZA PRODUŽENJE MJERE PRITVORA PREMA OSUMNJIČENOM DURAN MIRZI**

Predlažem da se prema osumnjičenom Duran Mirzi, u smislu odredbe člana 151. stav 1. i člana 242. stav 3. ZKP FBiH, nakon potvrđivanja optužnice produži pritvor, obzirom da još uvijek stoje razlozi iz kojih je pritvor određen i produžen, odnosno iz osnova člana 146. stav 1. tačka c) i d) ZKP-a FBiH.

**KANTONALNI TUŽILAC**